

**KANTON SARAJEVO – Ministarstvo komunalne privrede i infrastrukture, sa sjedištem u ulici Reisa Džemaludina Čauševića 1, Sarajevo, koje zastupa i predstavlja Ministar Senad Hasanspahić (u daljem tekstu:Ministarstvo)**

**i**

**TELEFONGRADNJA d.o.o. ulica Donji Hadžići b.b., kojeg zastupa direktor Edin Prljača ( u daljem tekstu:Izvođača)**

**zaključen dana 01.12.2016. godine**

**UGOVOR  
O ODRŽAVANJU SISTEMA JAVNE RASVJETE NA PODRUČJU  
KANTONA SARAJEVO  
OPĆINA TRNOVO**

**Član 1.  
Predmet Ugovora**

Naručilac povjerava Izvođaču da obavlja poslove kontrole, sanacije i održavanje sistema javne rasvjete na području Kanton Sarajevo Općine Trnovo, kao i poslove ažuriranja tehničke dokumentacije,odnosno tehničke baze podataka.

**Član 2.  
Nadležnost**

Izdavanje naloga za izvođenje radova na sistemu javne rasvjete vrši Ministarstvo.

**Član 3.  
Odgovornost Izvođača**

Izvođač se obavezuje da će navedene poslove izvoditi u skladu sa važećim tehničko – tehnološkim rješenjima koja moraju biti u skladu sa važećim propisima i standardima, a koji se koriste u oblasti javne rasvjete.

Kontrolu ugradnje materijala i izvođenja radova vrši Ministarstvo.

**Član 4.  
Realizacija održavanja i komunikacija**

Izvođač se obavezuje da će vršiti kontrolu sistema javne rasvjete Kantona Sarajevo u smislu njenog funkcionisanja najmanje 90%, te uočene kvarove prijavljivati Ministarstvu, mimo obima poslova opisanih u nalogu Ministarstva i o tome izvještava Ministarstvo u rokovima definisanih procedurom administriranja procesa održavanja javne rasvjete Kantona Sarajevo koju donosi Ministarstvo. Ministarstvo je dužno izdati novi nalog za prijavljene uočene kvarove.

Sve uočene nedostatke u toku redovnog obilaska javne rasvjete od strane Izvođača ili primljene pozive od strane trećih lica i građana, te sve uočene nedostatke u toku obilaska na adresama definisanih u izdatim nalogima Ministarstva Izvođač je dužan preusmjeriti na telefonski broj i

poslati elektronskom poštom Centru za javnu rasvjetu Kantona Sarajevo radi evidentiranja istih. Otklanjanje kvara je Izvođač izvršiti u roku od 48 sati, a komplikovane kvarove koje zahtjevaju nabavku materijala i duže vrijeme realizacije će realizirati u najkraćem mogućem realnom roku.

Nalog za intervenciju Naručioc će izdati narednog radnog dana za prijavljene kvarove od strane Izvođača.

Ukoliko u roku iz prehodnog stava Izvođač ne izađe na teren i ne obavjesti Centar Naručilac ima pravo za angažovanje drugog Izvođača i kaznene odredbe.

O svojim zapažanjima i eventualnim problemima Izvođač će svakodnevno putem telefona, fax-a ili elektronski obavještavati Ministarstvo, a sa ciljem usaglašavanja aktivnosti na otklanjanju problema održavanja sistema javne.

Izvođač će vršiti intervencije svakim radnim danom tokom redovnog radnog vremena osim u slučaju hitnih intervencija uz prehodnu najavu Centru.

Hitne intervencije su: havarijska stanja po tehničkim definicijama iz elektroenergetike, kvarovi izazvani saobraćajnim nesrećama, elementarnim nepogodama ili vandalizmom, u slučajevima neuključivanja ili nerada (minimum 4 svjetiljke) većih dionica distributivnih vodova javne rasvjete i kada predstavljaju opasnost po ljude ili imovinu.

Intervencije subotom, nedeljom i državnim praznikom obavljaju se samo u slučaju hitnih intervencija.

Ministarstvo se obavezuje da vrši kontrolu izvršenih radova, funkcionalnosti i ispravnosti sistema javne rasvjete.

## **Član 5.**

### **Procedura evidentiranja**

Izvođač je dužan da sve radove evidentira u propisane zapise o održavanju uz evidentiranje troškova i da narednog radnog dana elektronski dostavi Naručiocu. Zapisi o održavanju su : **Zapisnik o održavanju javne rasvjete Kantona Sarajevo i Zapisnik o demontiranom materijalu. Ovi zapisi su sastavni dio zapisa o izvršenju održavanja i dostavljaju se Ministarstvu.**

Izvođač je dužan da nakon svake intervencije na sistemu javne rasvjete Općine vrši i ažuriranje i tehničke baze podataka i da na mjesečnom nivou dostavlja podatke Centru.

Izvođač je dužan da nakon svake intervencije napravi Zapisnik o demontiranom materijalu, neupotrebljivom i upotrebljivom materijalu, vrši prikladno skladištenje upotrebljivog materija , odnosno zbrinjavanje električnog i elektronskog otpada u skladu sa zakonskim odredbama.

Papirnatu verziju Zapisnika o održavanju i Zapisnika o demontiranom materijalu na sedmičnom nivou Izvođač je dužan da dostavi Ministarstvu na ovjeru.

Rashodovani materijal Izvođač radova će skladištiti i na kraju mjeseca uz prisustvo predstavnika Ministarstva vršiti otpis materijala uz zapisnik.

Naručioc se obavezuje da će ovjeru zapisa o održavanju izvršiti u roku od 7 (sedam) dana od dana dostavljanja. Ukoliko zapis o održavanju u ovom roku ne bude ovjeren ili korigivan, smatraće se da su radovi nisu izvršeni (ovjereni).

## **Član 6.**

### **Nabavka i garancije**

Izvođač će vršiti nabavku i ugradnju svih materijala i opreme za potrebe održavanje sistema javne rasvjete, a prema usaglašenoj Specifikaciji koja je prilog Ugovora.

Sva nabavljena oprema i materijal mora imati dokaze kvaliteta , a u skladu sa međunarodnim standardima.

Ministarstvo ima pravo na kontrolu dokumentacije navedene u prethodnom stavku u svakom trenutku trajanja ovoga Ugovora.

Garancija Izvođača na izvršene radove je tri ( 3) godine od dana izvršenja radova.

Nakon isteka ugovora Ministarstvo će izdati nalog za radove (u slučaju kvara na sistemu javne rasvjete) koji su u garanciji za izvršene radove po odredbama ovoga Ugovora.

Ako Izvršioc ne otklani kvarove u sklopu garancije, Ministarstvo ima pravo za angažovanje drugog izvođača uz dostavu računa Izvođaču.

Specifikacija je sastavni dio ovog Ugovora i ovjeren je od strane Naručioca i Izvođača.

Uvođenjem novih materijala, opreme i tehnologija, Specifikacija će se usklađivati i dopunjavati dogovorom Naručioca i Izvođača, a što će biti regulisano Aneksom Ugovora.

Konačna cijena nespecificiranih materijala,opreme i tehnologija mora biti prosječna tržišna cijena uvećana za operativne troškove nabavke i ugradnja od strane Izvođača. Operativni troškovi nabavke i ugradnja ne mogu biti veći od 30% prosječne tržišne cijene materijala.

Uvođenje novih materijala i tehnologija u Specifikacije materijala i radova sa cjenovnikom će se usklađivati i dopunjavati po nalogu Ministarstva, a konačnu cijenu novih materijala i tehnologija odobrava Ministarstvo.

#### **Član 7. Plaćanje**

Izvođač će Ministarstvu ispostaviti račune za izvedene radove u proteklom mjesecu prema iznosu i specifikaciji cijena iz Specifikacije u prilogu Ugovora, a na osnovu ovjerenih zapisa o održavanju i ažurirane baze podataka.

U cijenu radova uključeni su troškovi radne snage, potrebne opreme za rad i transport.

Ministarstvo se obavezuje da će za ispostavljene mjesečne račune, a ovjerene od strane Ministarstva, u roku od 5 (pet) dana dostaviti nalog Ministarstvu finansija za isplatu.

#### **Član 8. Nespecificirane radnje**

Po nalogu Ministarstva vršiće se i radovi koji izlaze iz okvira redovnog održavanja (radovi na reviziji, posebnom ispitivanju i drugi nespecificirani radovi) za koje se primjenjuju cijene angažovanja radne snage, opreme i materijala iz usvojene Specifikacije.

Radovi koji izlaze iz okvira redovnog održavanja javne rasvjete na izgradnji, rekonstrukciji i sanaciji javne rasvjete biće predmet posebnog dogovora- odobrenja između Ministarstva i Izvođača radova uz mogućnost i trećeg pravnog lica ili organa (Kantona, Grada, Općina i sl.) prema cijenama iz prihvaćenih ponuda ovog ugovora.

U slučaju da Izvođač nije u mogućnosti, da zbog velikog broja prijavljenih kvarova na sistemu javne rasvjete, izvrši otklanjanje istih, može angažovati podizvođače uz prethodnu saglasnost Ministarstva.

Troškovi otklanjanja kvarova od strane podizvođača ne mogu biti veći od troškova utvrđenih u Specifikaciji materijala i radova sa cjenovnikom koja je sastavni dio ovoga ugovora.

Garancija za ugrađene materijale i izvedene radove iz člana 6. ovoga ugovora koja se odnosi na Izvođača važi i za podizvođača.

### **Član 9. Prekid Ugovora**

Ukoliko Izvođač u rokovima iz prethodnog člana ne izvrši naloge za rad Ministarstvo zadržava pravo na raskid Ugovora.

U slučaju angažovanje druge firme od strane Izvođača a bez saglasnosti Ministarstva, Ministarstvo zadržava pravo na raskid Ugovora.

Ministarstvo zadržava pravo prekida Ugovora u slučaju izmjena zakonske regulative u smislu vlasništva i nadležnosti nad sistemom javne rasvjete kao i u slučaju netačnog prikazivanja stanja i neizvršavanja naloga.

### **Član 10. Kaznene odredbe**

Svi radovi na održavanju javne rasvjete u Kantonu Sarajevo, neće biti plaćeni u slučaju da se urade bez naloga.

Ministarstvo ima pravo raskida ugovora, bez prava Izvođača na eventualnu naplatu izvedenih radova i ugrađenih materijala ukoliko su izvedeni bez naloga Ministarstva.

U slučaju da Izvođač izvrši priključenja jedne ili više svjetiljki na sistem javne rasvjete Kantona Sarajevo bez saglasnosti Ministarstva, Ministarstvo ima pravo raskida ugovora bez prava Izvođača na eventualnu naplatu izvedenih radova i ugrađenih materijala.

### **Član 11. Završne odredbe**

Ovaj ugovor stupa na snagu danom potpisa ovlaštenih predstavnika ugovornih strana i primjenjivaće se do 01.12.2017.godine.

Ugovorne strane će sve sporove rješavati sporazumno, a ukoliko to nije moguće nadležan je sud u Sarajevu.

Ovaj ugovor sačinjen je u šest istovjetnih primjeraka od kojih svaka ugovorna strana zadržava po tri primjerka.

**IZVODAČ**

Edin Prljača, Direktor

Broj: 41/16-1  
Datum: 30.12.2016



(Davalac usluga) TELEFONGRADNJA d.o.o. Sarajevo, ul. Donji Hadžići bb, kojeg zastupa  
Direktor Edin Prljača

i

(Naručilac usluga)  
Ministarstvo komunalne privrede i infrastrukture Kantona Sarajevo, ul. Reisa Džemaludina  
Čauševića broj 1, kojeg zastupa Ministar Senad Hasanspahić

zaključuju

**OKVIRNI SPORAZUM**  
**za pružanje usluge održavanje sistema javne rasvjete na području Kantona Sarajevo**  
**LOT- 2 TRNOVO**

**UVOD**

**Član 1.**

Na osnovu provedenog otvorenog postupka javne nabavke sa objavom obavještenja s namjerom zaključenja okvirnog sporazuma sa jednim ponuđačem za razdoblje od (1) jedne godine na osnovu člana 32.stav 1 Zakona o javnim nabavkama Ministarstvo komunalne privrede i infrastrukture Kantona Sarajevo je odlukom broj: JN-..95. odabrao TELEFONGRADNJU d.o.o. Sarajevo, kao ponuđača sa najnižom cijenom u skladu sa objavljenim kriterijima za donošenje odluke o izboru te uvjetima i zahtjevima iz dokumentacije za nadmetanje.

**Član 2.**

Na osnovu ovog okvirnog sporazuma Naručilac će sklopiti ugovor i izdavati narudžbenice( naloge) za pružanje gore navedenih usluga usluga prema otvorenom postupku sa objavljivanjem obavještenja na portalu e-nabavke broj 5500-1-2-1-8-4/16 objavljeno dana: 23.09..2016.godine, prema specifikaciji sa cijenama a prema Ponudi Ponuđača broj JN- 95 od 10.10.2016. koja je sastavni dio ovog sporazuma

**PREDMET I TRAJANJE OKVIRNOG SPORAZUMA**

**Član 3.**

Predmet ovog okvirnog sporazuma je utvrđivanje uslova za pružanje usluga **održavanje sistema javne rasvjete na području Kantona Sarajevo za općinu Trnovo u 2016/2017 godini** za potrebe naručioca usluga, a prema specifikaciji sa cijenama koji se nalazi u prilogu ovog okvirnog sporazuma i čini njen sastavni dio.

Ovaj okvirni sporazum se zaključuje na razdoblje od (1) jedne godine i tokom navedenog perioda se predviđa izdavanje narudžbenica o javnoj nabavci od strane naručioca usluga kojim će se za određeno razdoblje tačno navesti dinamika pružanja usluga s tim da smanjenje orijentacionih količina ne može uticati na fiksne jedinične cijene.

**II PROCJENJENA VRIJEDNOST NABAVKE**

**Član 4.**

Procjenjena vrijednost nabavki se procjenjuje na iznos od **100.000,00 KM bez PDV-a** (slovima: stotinhiljada KM).

#### **Član 5.**

Naručilac će na osnovu okvirnog sporazuma izdati pojedinačnu naružbenicu/potpisati ugovor sa ponuđačem s kojim je zaključen okvirni sporazum.

Ponuđač je dužan da pruži usluge pod uslovima utvrđenim ovim sporazum bez ponovnog zahtjeva za dostavu ponuda i po cijenama i uslovima utvrđenim ovim sporazumom.

#### **Član 6.**

Vrijednost naručene usluge iz člana 4 ne može biti veća od navedenog iznosa i utvrdit će se putem pojedinačnih narudžbi naručioca kojom će biti precizirane stvarne količine i dinamika isporuke . Smanjenje orijentacionih količina ne može uticati na fiksne jedinične cijene.

#### **Član 7.**

Jedinične cijene koje je ponuđač ponudio su nepromjenljive i ne mogu se mijenjati u toku trajanja okvirnog sporazuma na paritetu fco općine Trnovo.

#### **Član 8.**

Naručilac usluga se ne obavezuje naručiti sve količine navedene u ovom sporazumu . Količine koje su navedene u specifikaciji sa cijenama su okvirne.

Okvirni sporazum ne predstavlja ugovor o pružanju usluga, odnosno ne utvrđuje obavezu naručioca da zahtijeva od ponuđača bilo koju uslugu, već se podrazumijeva da ako naručiocu usluga bude potrebna neka od usluga navedena u specifikaciji sa cijenama, tada će naručilac tražiti od Davaoca usluga pružanje usluge.

### **III ROK PRUŽANJA USLUGE**

#### **Član 9.**

Davalac usluge se obavezuje pružiti uslugu iz člana 2. i Priloga broj 1. ovog Okvirnog sprazuma u obimu preciziranom pojedinačnom narudžbom naručioca usluge u roku od 24 sata računajući od momenta prijema narudžbe od strane naručioca.

### **IV ROK I NAČIN PLAĆANJA**

#### **Član 10.**

Naručilac usluga se obavezuje za pružene usluge iz člana 1 ovog Okvirnog sporazuma platiti Davaocu usluge u roku od 60 (šezdeset) dana od dana pružene usluge od strane Davaoca usluge na osnovu fakture koju je obavezan ispostaviti Davalac usluge.

### **V KVANTITATIVNI I KVALITATIVNI PRIJEM**

#### **Član 11.**

Kvalitativno i kvantitativno pružanje usluge iz člana 1. ovog Okvirnog sporazuma Davalac usluge se obavezuje izvršiti odmah, odnosno najkasnije u roku od 48 sati po prijemu Naloga od Naručioca uz sačinjavanje Zapisnika o izvršenju usluge.

Za eventualnu razliku u količini, odnosno za oštećenja ili slabiji kvalitet od ugovorenog Naručilac je dužan sačiniti zapisnik kojeg će najkasnije u roku od osam dana dostaviti Davaocu usluge na odobrenje.

Davalac usluge se obavezuje priznati one reklamacije koje su praćene odgovarajućom dokumentacijom.

Kod reklamacije Naručilac je dužan navesti tačan broj i datum Naloga, te račun Davaoca usluge kako bi se zadovoljili uslovi reklamacijskog roka od osam dana.

Nakon reklamacijskog roka od osam dana reklamacije se neće uvažavati, osim za usluge koje nisu mogle biti utvrđeni prilikom pružene usluge.

## **VI OSTALE ODREDBE**

### **Član 12.**

U slučaju propusta Davaoca usluge u izvršavanju Okvirnog sporazuma, Naručilac može uz dostavljanje Davaoca usluge pismene obavijesti o neizvršavanju ovog Okvirnog sporazuma prekinuti ugovorni odnos u cjelini ili u njegovom dijelu, ako Davaoca usluge ne ispravi svoj propust u roku od sedam dana nakon prijema obavijesti o propustu u izvršavanju ovog Okvirnog sporazuma.

### **Član 13.**

Rok trajanja ovog Okvirnog sporazuma utvrđuje se u periodu od 1 (jedne) godine računajući od dana obostranog potpisa ovog Okvirnog sporazuma, ili po isteku vrijednosti ugovora.

### **Član 14.**

Ako Davaoca usluge ne pruži usluge naručiocu u ugovorenom roku dužan je platiti ugovornu kaznu u iznosu od 0,2% (dva promila) računajući od vrijednosti konkretne narudžbe za svaki dan prekoračenja ugovorenog roka. Ukupan iznos ugovorne kazne ne može preći iznos od 5% (pet odsto) vrijednosti konkretne narudžbe.

### **Član 15.**

Svaka strana može otkazati ovaj sporazum bez obrazloženja sa otkaznim rokom od 30 (trideset) dana.

### **Član 16.**

Ako slučaj više sile potpuno ili djelomično spriječi izvršenje obaveza po ovom Okvirnom sporazumu, svaka strana je obavezna obavijestiti drugu stranu u roku od 2 (dva) dana od dana nastanka više sile.

### **Član 17.**

Strane potpisnice ovog sporazuma su saglasne da će sve eventualne izmjene i dopune ovog Okvirnog sporazuma regulisati novim ugovorima u skladu sa Zakonom o javnim nabavkama BiH.

### **Član 18.**

Sve eventualne sporove strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

### **Član 19.**

Ovaj Okvirni sporazum stupa na snagu danom obostranog potpisa obje strana po ovlaštenim licima.

### **Član 20.**

Sve izmjene i dopune ovog Okvirnog sporazuma mogu se vršiti isključivo i samo uz pismenu saglasnost ugovornih strana.

### **Član 21.**

Sastavni dio ovog Okvirnog sporazuma čini Specifikacija sa cijenom iz Ponuda Prodavca broj JN-95 od 10.10.2016.

**Član 22.**

Ovaj Okvirni sporazum je sačinjen u 6 (šest) jednakih primjeraka od kojih Naručilac zadržava 4 (četiri), a 2 (dva) primjerka se uručuju Ponuđaču.

Za Davaoca usluga  
DIREKTOR

Edin Prljača

Broj: 49/16

Sarajevo, 06.12.2016

Za naručiooca usluga:  
MINISTAR

Senad Hasanspahić

Broj: 14-95

Sarajevo, 01.12.2016

